

Ժողովուրդ

37
(3246)

31 մարտի երեքշաբթի 2026
տպագրության ԺԵ տարի

✉ ք. Երևան, Արմավյան 22ա/3 (0010)

☎ +374 10 546423

@ info.armlur@gmail.com, info.zhoghovurd@gmail.com

100 դրամ

ԻՆՉ Է ՀԱՅՏԱՐԱՐԱԳԻԵԼ ՊԵՆ ՆԱԽԱԳԱՐԸ



«Ժողովուրդ» օրաթերթը ուսումնասիրել է Պետական եկամուտների կոմիտեի նախագահ Էդուարդ Յակոբյանի հայտարարագրերը, վերլուծել է ներկայացված տվյալները եւ առանձնացրել հիմնական փաստերը:

Նշենք, որ Էդուարդ Յակոբյանը ՊԵՎ նախագահի պաշտոնը ստանձնել է 2024 թվականի նոյեմբերի 28-ին: Մինչ այդ՝ 2022 թվականի դեկտեմբերի 29-ից զբաղեցրել է ՀՀ ֆինանսների նախարարի տեղակալի պաշտոնը: ArmLur.am-ը պարզեց, որ 2024 թվականի հայտարարագրի համաձայն՝ Յակոբյանը ունի 2 միավոր անշարժ գույք՝ Երևանում գտնվող բնակարան եւ ավտոկայանատեղի, որոնք ձեռք են բերվել 2020 թվականի հուլիսի 28-ին՝ համատեղ սեփականությամբ: Նա նաեւ ունի 2018 թվականի արտադրության MAZDA մակնիշի ավտոմեքենա որպես 90 եւ ավելի օր փաստացի տիրապետվող տրանսպորտի միջոց:

Հայտարարագրից պարզ է դառնում, որ նա փոխառություններ է տրամադրել «ՄԼ ՄԱՅՆԻՆԳ» ՍՊԸ-ին՝ 16 մլն 560 հազար դրամ, ինչպես նաեւ ունեցել է վերադարձված փոխառություն՝ 4 մլն 341 հազար 643 դրամի չափով:

Բանկային հաշիվներում Յակոբյանը ունեցել է 2 մլն 455 հազար 979 դրամ եւ 5 մլն 266 հազար 666 դրամ, իսկ կանխիկ միջոցները կազմել են 4 մլն դրամ: Ինչ վերաբերում է եկամուտներին, ապա «Ժողովուրդ» օրաթերթը պարզեց, որ 2024 թվականին նրա ընդհանուր եկամուտը կազմել է 23 մլն 361 հազար 229 դրամ: Դրանից 3 մլն 997 հազար դրամը եկամտային հարկի վերադարձ է, 3 մլն 353 հազար դրամը՝ աշխատավարձ ՊԵՎ-ից, իսկ 15 մլն 915 հազար դրամը՝ ֆինանսների նախարարությունից ստացած աշխատավարձ: Նա նաեւ ստացել է ապահովագրական հատուցում «Հայկական ծրագրեր» ՍՊԸ-ից: Միեւնույն ժամանակ, Յակոբյանի վարկային պարտավորությունները տարեվերջին կազմել են 40 մլն 149 հազար դրամ, իսկ միայն վարկի մարման ուղղությամբ վճարել է 5 մլն 449 հազար դրամ:

Մանրամասները՝ ArmLur.am կայքում

Թեւ համապետական ընտրությունների պաշտոնական նախընտրական քարոզարշավը մեկնարկելու է մայիսի 8-ից եւ կտեղի մինչեւ հունիսի 5-ը, այնուամենայնիվ, քաղաքական գործընթացները փաստացի արդեն ակտիվ փուլում են: Վերջին օրերին «Քաղաքացիական պայմանագիր» կուսակցության ներկայացուցիչները՝ Նիկոլ Փաշինյանի գլխավորությամբ, հանդիպումներ են անցկացնում քաղաքացիների հետ Երևանի տարբեր հատվածներում՝ նախարարների եւ այլ պաշտոնատար անձանց մասնակցությամբ: Հանդիպումների ընթացքում բարձրաձայնվում են քաղաքացիների խնդիրներ, տրվում են հանձնարարականներ, քննարկվում հնարավոր լուծումներ, ինչը հանրային ընկալմամբ ստեղծում է վաղ մեկնարկած քարոզչության տպավորություն: Առաջանում է հարց՝ արդյոք նման ակտիվությունը կարող է դիտարկվել որպես նախընտրական քարոզչություն կամ վարչական ռեսուրսի կիրառում, հատկապես այն պարագայում, երբ գործընթացում ներգրավված են պետական կառավարման համակարգի ներկայացուցիչներ:



Շարունակությունը՝ ArmLur.am կայքում

«Ժողովուրդ» օրաթերթը շարունակում է ներկայացնել ՀՀ պաշտոնյաների գույքի, եկամուտների եւ ծախսերի հայտարարագրերը: Այս անգամ «Ժողովուրդ» օրաթերթը ուսումնասիրել է Քաղաքացիական, տեխնիկական եւ հրդեհային անվտանգության տեսչական մարմնի ղեկավար Գարեգին Խաչատրյանի 2024 թվականի հայտարարագիրը եւ պարզել մի շարք ուշագրավ տվյալներ: Նշենք, որ Գարեգին Խաչատրյանը տվյալ պաշտոնին նշանակվել է 2022 թվականի հոկտեմբերի 5-ին: «Ժողովուրդ» օրաթերթը պարզեց, որ Խաչատրյանը իր աշխատանքային գործունեությունը սկսել է 2005 թվականին Երևանի քաղաքապետարանի «Գերատեսչական շենքերի պահպանության եւ շահագործման» ՓԲԸ-ում՝ ինժեներ-մասնագետից: Այնուհետեւ աշխատել է աշխատակազմում՝ որպես գործավար, ապա անցել է անշարժ գույքի կառավարման համակարգ, որտեղ զբաղեցրել է տարբեր պաշտոններ՝ մասնագետից մինչեւ բաժնի պետ: 2014 թվականին դարձել է շենքերի եւ շինությունների հաշվառման բաժնի պետ, 2019-ին՝ արտաքին ձեռավորման եւ գովազդի վարչության պետ, 2020-ին՝ անշարժ գույքի կառավարման վարչության պետ: 2022 թվականի հոկտեմբերի 5-ին նշանակվել է տեսչական մարմնի ղեկավար:



Շարունակությունը՝ ArmLur.am կայքում

Վարչապետ Նիկոլ Փաշինյանի գլխավորությամբ տեղի է ունեցել խորհրդակցություն, որի ընթացքում քննարկվել են հարկային քաղաքականության ընթացակարգային բարեփոխումներին ուղղված աշխատանքները: Վարչապետ Փաշինյանը նշել է, որ այս խորհրդակցությունը տեղի է ունենում ի շարունակություն Կառավարության նիստում վերջերս տեղի ունեցած քննարկման, որը վերաբերում էր հարկերից խուսափելու հանցավոր համարվող արարքների դեպքում քրեական պատասխանատվության չափային շեմերի վերանայմանը: Քննարկման արդյունքում արձանագրվել էր, որ կա նախագծերով առաջարկվող փոփոխությունների լավարկման անհրաժեշտություն, եւ վարչապետը հանձնարարել էր աշխատանքներ իրականացնել այս ուղղությամբ: Պետական եկամուտների կոմիտեի նախագահ Էդուարդ Յակոբյանը զեկուցել է իրականացված վերլուծությունների մասին եւ մանրամասներ ներկայացրել առաջարկվող նոր ընթացակարգերի, հարկային ոլորտի զարգացման եւ վարչարարության բարելավմանն ուղղված քայլերի վերաբերյալ: Անդրադարձ է կատարվել նաեւ օրինապահ հարկ վճարողի ինստիտուտի վերափոխմանն ուղղված աշխատանքներին: Վարչապետը կարեւորել է հարկային քաղաքականության հետետղական բարելավումն ու լավարկումը:



ՀԱՌՑԱԶՐՈՒՅՑ

ԺՈՂՈՎՐԴԱՎԱՐ ՄԻՋԱՎԱՅՐԻ ՑՈՒՑԻՉ

ArmLur.am-ը գրուցել է Հայաստանի Հանրապետության Ազգային ժողովի «Քաղաքացիական դայմանագիր» խմբակցության դասգամավոր Տիգրան Պարսիյանի հետ:

-Պարոն Պարսիյան, ԶՊ-ն Սահմանադրական դատարանի դատավոր ընտրեց ԶՊ խմբակցության նախկին անդամ Վահրամի Վարդանյանին: Ինչպե՞ս է Վահրամի Վարդանյանն ապահովելու անկախ, անաչառ դատական համակարգ, երբ նախկինում աշխատել է իշխանության հետ և եղել է այդ համակարգի մաս:

-Հանրության համար պետք է հասկանալի լինի, որ պաշտոնի անցնելը ենթադրում է նոր պարտավորություններ և պատասխանատվություն:

Ջարգացած երկրների օրինակով էլ կարող ենք տեսնել, որ նախկինում պետական կամ քաղաքական համակարգում աշխատած անձանց նշանակումը չի նշանակում, թե տվյալ երկրի դատական համակարգը չի կարող լինել արդար ու անկախ: Օրինակ՝ դժվար է պատկերացնել, որ հանրությունը կարծում է, թե Գերմանիայում արդար Սահմանադրական դատարան գոյություն չունի:

Շատ կարեւոր է նաեւ երդման ինստիտուտը, ինչի վրա պարոն Վարդանյանն էլ շեշտադրում արեց: Ցանկացած մարդ մինչեւ որեւէ պաշտոն ստանձնելը կարող է ունենալ իր քաղաքական հայացքները, սակայն դա ինքնին չի նշանակում, որ նա չի կարող գործել օրենքի և պաշտոնի պահանջներին համապատասխան: Նախապես պետք է, թե նա չի կարող պահպանել անաչառությունը, անվազն անմեղության կանխավարկածի խախտում է:

-Ինչպե՞ս եք գնահատում վարչապետ Նիկոլ Փաշինյանի պահվածքը, երբ նա երբեմն քաղաքացիների հետ խոսում է ջղայնացած, բարկացած տոնով կամ մատթախ տալով:

-Այսօրվա կոնկրետ հայտարարությունը չեմ լսել, սակայն նախկին միջադեպի վերաբերյալ կարող եմ ասել, որ դա ցույց է տալիս, որ Հայաստանի Հանրապետությունում ժողովրդավարությունն այնպիսի



մակարդակի է հասել, որ քաղաքացին կարող է բացահայտել և նույնիսկ կոշտ քննադատություն հնչեցնել վարչապետի հասցեին:

Վարչապետը նույնպես մարդ է և կարող է էմոցիոնալ արձագանքել: Կարելի է այն է, որ նման իրավիճակներից հետո նա ներողություն է խնդրել, ինչը քաղաքական պատասխանատվության դրսեւորում է:

Միեւնույն ժամանակ, եթե համեմատենք նախկին իշխանությունների ժամանակների հետ, շատերը հիշում են վախի մթնոլորտը, փողոցային բռնությունները և ակտիվիստների նկատմամբ ճնշումները: Այդ ֆոնին այսօր նույնիսկ կոշտ, բայց հրապարակային խոսակցությունն ինքնին ժողովրդավար միջավայրի ցուցիչ է:

-Եթե նախկին նախագահներից որեւէ մեկը Ձեր ընտանիքի ներկայությամբ իրեն

այդպես պահեր, իսկ հետո ներողություն չխնդրեր, արդյո՞ք դա Ձեզ համար ընդունելի կլիներ:

-Եթե խոսքը վերաբերում է պետական ինստիտուտ ներկայացնող անձին, ապա բնականաբար, նրա խոսքն ու վարքագիծը ավելի մեծ նշանակություն ունեն: Բայց եթե նույն չափով կարելու էր նա ինստիտուտը, ապա նույն կերպ պետք է կարելու էր նաև ներողությունը: Այս դեպքում կարելու է, որ սխալ արձագանքից հետո եղավ պատասխանատվություն և ներողություն: Դա այն տարբերությունն է, որը շատերը նշում են՝ համեմատելով նախկին ղեկավարների հետ, որոնց կողմից հասարակությունը հաճախ նման պատասխանատվության դրսեւորում չի տեսել:

Ջրուցեց ՆԱՆԻԿ ԱՂԱՅԱՆԸ



ԼՐԱԳՐՈՂԻ ԲԱՑ ՆԱՄԱԿԸ ՓԱՇԻՆՅԱՆԻՆ

Լրագրող Հռիփսիմե Ջեբեջյանի բաց նամակը՝ ՀՀ վարչապետ Նիկոլ Փաշինյանին:

«Դուք հայտարարեցիք, որ լրագրողները ձեզ են ընտրելու, հակառակ դեպքում գործազուրկ են դառնալու ու օրվա հացը վաստակեն ֆայլաբազարում: Լրագրողներից մեկին էլ ասացիք. «Դուք հիմա լրագրող եք աշխատում, որովհետեւ ես վարչապետ եմ, երբ չլինեմ, 4 ժամ հետո աշխատանք չեք ունենալու, գալու են ձեր հեռախոսը, ժամացույցն էլ են ձեռքներից հանելու»: Այս խոսքը ինձ չէր ուղղված, բնականաբար, այնպես չի, որ դա ընդունել եմ իմ հասցեին ու վիրավորվել: Բայց հարկ եմ համարում մի քանի բան ձեզ հասցնել: Եթե ձեզ համար լրագրությունը փող աշխատելու համար է եղել, կոնկրետ ինձ համար լրագրությունը փողի մասին չէ, ցանկացած այլ ոլորտում մենք շատ ավելի մեծ գումար կարող էինք վաստակել, քան լրագրության մեջ՝ 24 ժամ աշխատելով, ընտանիքից, ընկերներից, հարազատներից կտրվելով, անձնական կյանքը մի կողմ թողնելով:

Լրագրությունը սիրո և անսահման նվիրվածության մասին է, անձնագր-հույսով:

Իսպանացի մի լավ գրող կա՝ Կամիլո Խոսե Սելա, ասում է՝ «Եթե գրողը պատրաստ չի սովից մեռնել, պիտի իր գործը փոխի»: Ես պատրաստ եմ ոչ թե ֆայլաբազարում աշխատել, այլ սովից մեռնել՝ լինելով լրագրության մեջ, որովհետեւ դա ինձ համար երջանկություն է, սիրած աշխատանք ու կենսակերպ, դրանով ոչ հաթաթ կարող եք տալ, ոչ էլ վախեցնել:

Լրագրությունը ինձնից տարել է շատ թանկարժեք բաներ կյանքում՝ իմ երեխաների մանկությունը, որը չեմ հասցրել վայելել պատշաճ, ծնողական ժողովների գնալն անգամ ինձ համար մեծ ճոխություն է ու անձնական ուրախություն, որովհետեւ կարելու է ու կարելու է եմ այդ պահին որեւէ քաղաքացու բողոքը լուսաբանելը, ավելի առաջնային եմ համարում մարդկանց խնդիրների լուծման հետեւից գնալը, քան անձնական քեֆերն ու հարմարավետությունը: Սա ասում եմ, որովհետեւ դուք եւ ձեր թիմակիցները աջուձախ պահարկում եք լրագրողներին, սեւացնում, անվանարկում գետնին հավասարեցնելով էն ահռելի գոհողությունները, որ ունենում են լրագրողները ամեն օր իրենց աշխատանքում ցույցերին իրենց կյանքը վտանգելով, արտակարգ իրավիճակներում աշխատելով, գիշեր-ցերեկ ջունենալով:

Եթե չլինեին լրագրողները, դուք իշխանության չէիք գա, սա միշտ հիշեք:

Ես հասկանում եմ ինչի եք ամբողջ թիմով նախաձեռնել այս արշավը լրագրողների դեմ: Որեւէ իշխանություն չի սիրել լրագրողներին ու մեզ պետք չի սիրել: Բայց փորձել մեզ հեղինակագրել, մեր ծայրը լռեցնել չի հաջողվել որեւէ իշխանության, ձեզ էլ չի հաջողվել:

Լրագրողները նաեւ նրա համար են, որ իշխանավորներին, որոնք սոսնձվել են աթոռներին ու մոռացել են իրենք ովքեր են, իջեցնեն հողի վրա: Դա օգտակար է նախառաջ ձեզ:

Նախկինների ժամանակներից լրագրող՝ Հռիփսիմե Ջեբեջյան 30.03.2026թ.»:»

ՔՊ ՑՈՒՑԱԿԻ 50-ՅԱԿԸ

Մարտի 27-28-ին տեղի ունեցավ ՔՊ կուսակցական ներքին ընտրությունը, որի արդյունքներով Նիկոլ Փաշինյանը վարչապետի թեկնածու է ընտրվել: Ձայների թվով նրան հաջորդում են Արարատ Միրզոյանն ու Սուրեն Պապիկյանը:

ArmLur.am-ը ներկայացնում է քվեարկության նախնական արդյունքները՝ ըստ հավաքած ձայների:

1. Փաշինյան Նիկոլ Վովայի - 933
2. Միրզոյան Արարատ Սամվելի - 853
3. Պապիկյան Սուրեն Ռաֆիկի - 842
4. Պապոյան Գեորգ Յարությունի - 806
5. Ռուբինյան Ռուբեն Կարապետի - 782
6. Ավանեսյան Անահիտ Թորգոմի - 780
7. Ալեքսանյան Վահագն Յովիկի - 777
8. Յարությունյան Արայիկ Էդուարդի - 766
9. Կոնջորյան Յայկ Արսենի - 747
10. Թորոյան Արսեն Գեորգի - 745
11. Միմոնյան Ալեն Ռոբերտի - 717
12. Խուրաթյան Դավիթ Յովհաննեսի - 696
13. Գայան Սրբուհի Յովհաննեսի - 682
14. Ղազարյան Ալիսա Աղաբեկի - 679
15. Պետրոսյան Ռոմանոս Վանիկյայի - 646
16. Զուլհալյան Արուսյակ Թովմասի - 642
17. Մակունց Լիլիթ Կամոյի - 622
18. Հակոբյան Յասմին Արմենի - 613
19. Խաչատրյան Արմեն Էդուարդի - 604
20. Մկրտչյան Արեն Միքայելի - 602
21. Յովհաննիսյան Արթուր Ղարիբի - 585
22. Գաբրիելյան Վիլեն Կարենի - 580



23. Մանավազյան Արուսյակ Լեւոնի - 557
24. Եղոյան Արման Աշոտի - 548
25. Սանոսյան Գնել Յենգելի - 542
26. Ղազարյան Սոնա Արայի - 539
27. Միքայելյան Սասուն Մեխակի - 512
28. Գաբրիելյան Սիսակ Արմենի - 509
29. Ավինյան Տիգրան Արմենի - 502
30. Թունյան Բաբկեն Էդիկի - 500
31. Լեւոնյան Լեւոն Գագիկի - 499
32. Բաթոյան Զարուհի Վալերիանի - 498
33. Բաղդասարյան Նազելի Յուրայի - 490
34. Գասարյան Տարեհիկ Մայրենի - 483
35. Վարդանյան Արաքսյա Պողոսի - 477
36. Յարյապետյան Միսիթա Իսիֆի - 458
37. Յարությունյան Զարին Համլետի - 451
38. Գրիգորյան Նարեկ Յարազատի - 443
39. Փամբուխյան Արմեն Սոկրատի - 441
40. Դավոյան Արփինե Յրահատի - 409
41. Միմոնյան Յակոբ Կարապետի - 405
42. Սարգսյան Գարիկ Մաքսականի - 404
43. Յովհաննիսյան Միլադա Մկրտչի - 390
44. Ղալումյան Վահե Վոլոդյայի - 373
45. Մովսիսյան Սերգեյ Լեւիկի - 367
46. Բաղայան Լուսինե Խաչիկի - 364
47. Միևսայան Սարիկ Սամվելի - 355
48. Բագրատյան Սերգեյ Պապաշի - 351
49. Ղալումյան Յայկ Վոլոդյայի - 346
50. Հակոբյան Վաղարշակ Սոսի-318

ԻՐԱՎԻՃԱԿ

ՀԱՅՏԱՐԱՐԱԳԻՐ

ԻՆՉ ԵՆ ՀԱՅՏԱՐԱՐԱԳԻՐԵԼ ԱՐԱՐԱՏ ՄԻՐՁՈՅԱՆՆ ՈՒ ԿԻՆԸ

ԻՍՊԱՆԻԱՅԻ ՆԱԽԱԳԱՐԻ ՕՐԻՆԱԿԸ



ՀՀ ԱԺ պատգամավոր Քրիստինե Վարդանյանը ֆեյսբուքյան իր էջում լուսանկար է հրապարակել ու գրել. «Տեխտո դեմքով կինը Իսպանիայի թագուհին է:

«2024 թվականի նոյեմբերի սկզբին Իսպանիայի թագավոր Ֆելիպե VI-ը եւ թագուհի Լեոտիսիան հարձակման ենթարկվեցին զայրացած ամբոխի կողմից:

Իսպանիայում տեղի ունեցած աղետալի ջրհեղեղներից հետո (որոնք հարյուրավոր զոհերի պատճառ դարձան), թագավորական զույգը այցելեց ամենաշատ տուժած քաղաքներից մեկը՝ Պալադիոս:

Տեղի բնակիչները, ովքեր ծայրահեղ հուսահատված էին իշխանությունների ուշացած արձագանքից, թագավորական շքախմբին դիմավորեցին «Մարդասպաններ» վանկարկումներով: Ամբոխը սկսեց նրանց վրա ցելի, քարեր եւ տարբեր առարկաներ նետել: Թագավորի եւ թագուհու դեմքերն ու հագուստը պատվեցին ցելիով:

Թագավորի թիկնապահները փորձում էին հովանոցներով պաշտպանել նրան, սակայն Ֆելիպե VI-ը հրաժարվեց հեռանալ եւ մոտ մեկ ժամ մնաց ամբոխի մեջ՝ փորձելով լսել մարդկանց ու հանդարտեցնել նրանց: Սա կանխեց իրավիճակի հետագա սրումը հենց տեղում:

Ուշադրություն՝ թագավորի թիկնազորից որեւէ մեկը որեւէ քաղաքացու չհարվածեց:

Միջադեպից օրեր անց Իսպանիայի քաղաքացիական գվարդիան ձերբակալեց երեք տեղացի բնակիչների: Նրանց մեղադրանք առաջադրվեց թագավորական շքախմբի վրա հարձակվելու եւ գույքը (մասնավորապես՝ վարչապետի մեքենան) վնասելու համար:

Ձերբակալվածները ներկայացան դատարան, սակայն շուտով ազատ արձակվեցին՝ ստորագրությամբ (չհեռանալու պայմանով), քանի դեռ հետաքննությունը շարունակվում է:

Որեւէ մեկը Տերունական աղոթքի պահին գետին չտասպալվեց ու ցուցադրաբար բերման չենթարկվեց:

Իսպանիայի օրենսդրությամբ պետության գլխի վրա հարձակումը լուրջ հանցանք է, բայց հաշվի առնելով աղետի հուզական ֆոնը՝ դատարանը դեռեւս վերջնական խիստ դատավճիռներ չի կայացրել:

Որովհետեւ այսպիսի դեպքերում միայն օրենքի տառը չի, որ կարեւոր է: Կարեւոր է այն մթնոլորտը, որ դու ստեղծել ես երկրում, կարեւոր է բարձրաստիճան պաշտոնյայի վարքագիծը, նրա արարքները, կարեւոր է նրա պահվածքը դեպքի պահին:

Այնպես որ, դադարեք ձեզ զոհի տեղ դնել, մեր ժողովրդի բացարձակ մեծամասնությունն ուզում է ձեզ դատարանում տեսնել: Մի մասն էլ, ուղղակի չի կարողանում իր զգացմունքները զսպել, երբ դուք համատարած պղծում եք ամեն ինչ»:

«Քաղաքացիական դայմանագիր» կուսակցության ներքին ընտրությունների երկու փուլերն ավարտված եւ ամփոփված են, եւ փնտրության արդյունքներով երկրորդ փուլում է ՀՀ արտաքին գործերի նախարար Արարատ Միրզոյանը՝ 853 ձայնով:

Այս ֆոնին ArmLur.am-ը ուսումնասիրել է Արարատ Միրզոյանի վերջին տարիների հայտարարագրերը եւ պարզել մի շարք ուշագրավ տվյալներ:

Նշենք, որ Արարատ Միրզոյանը ՀՀ արտաքին գործերի նախարարի պաշտոնը զբաղեցնում է 2021 թվականի օգոստոսի 19-ից:

2024 թվական

ArmLur.am-ը պարզեց, որ 2024 թվականի հայտարարագրի համաձայն՝ Միրզոյանը Կոտայքի մարզի Նաիրի համայնքում ունի անհատական բնակելի տուն՝ հողամասով եւ տնտեսական շինություններով, որը ձեռք է բերել 2022 թվականի դեկտեմբերի 23-ին: Բացի այդ, նա Երեւանում ունի բնակարան, որը ձեռք է բերել 2018 թվականին:

Բանկային հաշիվներում առկա է եղել 2 մլն 746 հազար դրամ եւ 22 հազար ԱՄՆ դոլար, իսկ կանխիկ՝ 37 հազար դոլար եւ 2 մլն 750 հազար դրամ:

Հաշվետու տարում նրա եկամուտը կազմել է 24 մլն 771 հազար դրամ, որից 21 մլն 752 հազար դրամը՝ աշխատավարձ ՀՀ ԱԳՆ-ից, իսկ 3 մլն 18 հազար դրամը՝ եկամտային հարկի վերադարձ:

ArmLur.am-ը նաեւ պարզեց, որ տարվա ընթացքում Միրզոյանը զգալի ծախսեր է իրականացրել. միայն անշարժ գույքի վերանորոգման համար ծախսել է 16 մլն 800 հազար դրամ: Բացի այդ, հանգստի, ուսման եւ վարկերի մարման վրա ծախսերը եւս միլիոնավոր դրամներ են կազմել:

Նրա հիփոթեքային պարտավորությունները տարեվերջին կազմել են 26 մլն 643 հազար դրամ:

2023 թվական

ArmLur.am-ի ուսումնասիրությամբ՝ 2023 թվականին Միրզոյանի բանկային հաշիվներում եղել է 3 մլն 500 հազար դրամ եւ 30



հազար դոլար, իսկ կանխիկ՝ 50 հազար դոլար եւ 2 մլն դրամ:

2022 թվական

ArmLur.am-ը պարզեց, որ 2022 թվականին Միրզոյանը ձեռք է բերել Կոտայքի մարզի Նաիրի համայնքում գտնվող առանձնատունը՝ 112 մլն դրամ արժողությամբ:

Նույն տարում նրա բանկային ավանդները կազմել են 70 հազար դոլար, հաշիվներում ունեցել է 1 մլն 900 հազար դրամ եւ 20 հազար դոլար, իսկ կանխիկ՝ 25 հազար դոլար եւ 6 մլն դրամ:

2021 թվական

ArmLur.am-ի տվյալներով՝ 2021 թվականին Միրզոյանը ունեցել է 70 հազար դոլար բանկային ավանդ, 9 մլն 100 հազար դրամ եւ 70 հազար 188 դոլար հաշիվների վրա, ինչպես նաեւ 8 մլն դրամ կանխիկ միջոցներ:

Կնոջ Գոհար Աբաջյանի հայտարարագիրը

ArmLur.am-ը ուսումնասիրել է նաեւ Արարատ Միրզոյանի կնոջ՝ Գոհար Աբաջյանի հայտարարագիրը:

ՕՐՎԱ ԽՃԱՆԿԱՐ

ՀԱՐՉԱԿՈՒՄ ՄԱՆԿԱՏԱՆ ՎՐԱ

Իրանի հյուսիսում գտնվող մանկատան վրա ԱՄՆ-ի եւ Իսրայելի կողմից իրականացված հարձակման հետեւանքով զոհվել է առնվազն երկու մարդ, եւս հինգը՝ վիրավորվել, հաղորդում է Fars լրատվական գործակալությունը՝ հղում անելով տեղական իշխանություններին:

«Ամերիկա-սիրոնիստական ռեժիմի կողմից նոր բարեգործական համալիրի եւ մանկատան վրա հարձակման հետեւանքով, ցավոք, երկու մարդ զոհվել է, հինգը՝ վիրավորվել», - ասվում է հայտարարության մեջ:

ԿԱՍԵՑՎԵԼ Է

Սևնդամբերքի անվտանգության տեսչական մարմնի արագ արձագանքման բաժնի տեսուչների կողմից «Սոլ Հոլդինգ» ՍՊ ընկերությանը պատկանող (ք. Երեւան, Սասունցի Դավիթի 7) հանրային սննդի օբյեկտում իրականացված ստուգման ընթացքում արձանագրվել են սևնդամբերքի արտադրության հետ անհամատեղելի սահմանափակումներ:

Մասնավորապես, սննդի կառուցվածքի պատերը եղել են վնասված, չեն ունեցել

հարթ մակերես եւ չեն պահվել նորոգ վիճակում, առաստաղներն ապահով եւ նորոգ չեն եղել, առկա են եղել տարբեր մեծության ճաքեր, կառուցված չեն եղել այնպես, որ նվազեցվեն կեղտի կուտակումները եւ մասնիկների թափվելու հնարավորությունը:

Տեսչական մարմնի ղեկավարի որոշմամբ՝ հանրային սննդի օբյեկտի արտադրական գործունեությունը կասեցվել է, տնտեսավարողին հանձնարարվել է այն համապատասխանեցնել սահմանված նորմերին, ամրագրվել է վերջնաժամկետ հայտնաբերված խախտումները վերացնելու համար:

ԱՄՆ-Ն ԿՈՉՆՉԱՑՆԻ

Եթե Իրանը անմիջապես չբացի Հորմուզի նեղուցը, ԱՄՆ-ն կոչվի թուրքերը Էլեկտրակայանները, նավթահանքերը եւ Խաբազ կղզին, գրել է ԱՄՆ նախագահ Դոնալդ Թրամփը:

«Եթե որեւէ պատճառով համաձայնություն չուտով ձեռք չբերվի, եւ եթե Հորմուզի նեղուցն անհապաղ բաց չլինի բիզնեսի համար, մենք կավարտենք մեր հիասթափեցնող Իրանում պայթեցնելու եւ ամբողջությամբ ոչնչացնելու նրանց բոլոր Էլեկտրակայանները, նավթահանքերը եւ Խաբազ կղզին, որոնք մենք միտումնավոր դեռ չենք դիպչել», - նշել է Թրամփը:

Նա 2024 թվականին ձեռք է բերել 2024 թվականի արտադրության BMW մակնիշի ավտոմեքենա՝ մոտ 39 հազար եվրոյով, իսկ նախկին KIA մեքենան վաճառել է 4 մլն 508 հազար դրամով:

Տարվա ընթացքում նրա եկամուտները կազմել են 46 մլն 301 հազար դրամ: Նա աշխատավարձ է ստացել «Էնվիդիա Արմենիա» եւ «Քոզնայա Էնջինիրինգ» ընկերություններից:

Բանկային միջոցները տարվա ընթացքում նվազել են, իսկ կանխիկ գումարը կազմել է 10 հազար դոլար եւ 340 հազար դրամ:

Միաժամանակ, նա ստացել է 11 մլն դրամ վարկ, իսկ ընդհանուր վարկային պարտավորությունները տարեվերջին հասել են 78 մլն դրամի:

Նշենք նաեւ, որ «Ժողովուրդ» օրաթերթը դեռ 2025 թվականի հունիսի 4-ին գրել էր, որ Գոհար Աբաջյանը նշանակվել է «Էնթերփրայզ Արմենիա» ներդրումային կենտրոնի ղեկավար:

Այսպիսով, ArmLur.am-ի ուսումնասիրությունը ցույց է տալիս, որ Արարատ Միրզոյանի ընտանիքը վերջին տարիներին ունեցել է տասնյակ միլիոնավոր դրամների եկամուտներ, ձեռք է բերել 112 մլն դրամ արժողությամբ առանձնատուն, ինչպես նաեւ՝ ընտանիքում իրականացվել է թանկարժեք գնում, մասնավորապես կիսը գնել է 39 հազար եվրո արժողությամբ BMW ավտոմեքենա:

Սակայն այստեղ առաջանում են մի շարք հարցադրումներ.

- Ինչպե՞ս են համադրվում այս ծավալի ծախսերը պաշտոնական եկամուտների հետ:

- Ի՞նչ աղբյուրներով են ձեւավորվել խոշոր կանխիկ միջոցները՝ տասնյակ հազարավոր դոլարների չափով:

- Որքանո՞վ են հիմնավորված նման թանկարժեք գնումները՝ թե՛ առանձնատան, թե՛ ավտոմեքենայի դեպքում:

- Ինչպե՞ս է բացատրվում նաեւ մեծածավալ վարկերի, եկամուտների եւ միաժամանակ զգալի ծախսերի համադրությունը:

ՄՈՆԱ ԳՐԻԳՈՐՅԱՆ

ՊԱՐԱՆՁՈՒՄ Է

Ադրբեջանի մարդու իրավունքների պաշտպանը հայտարարություն է տարածել «ադրբեջանցիների ցեղասպանության օրվա» կապակցությամբ:

Ինչպես հաղորդում է APA գործակալությունը, հայտարարության մեջ խոսվում է «1918 թվականի մարտ-ապրիլյան իրադարձությունների» մասին, որոնք, ըստ հայտարարության հեղինակների, իբր «պատմության մեջ են մտել որպես հազարավոր անմեղ մարդկանց զանգվածային սպանություններ՝ նրանց ազգային եւ կրոնական պատկանելության պատճառով»:

«Միջազգային կազմակերպությունները եւ ՄԱԿ-ի անդամ պետությունները պետք է սկզբունքային դիրքորոշում որդեգրեն հայերի կողմից ադրբեջանցիների դեմ իրականացված թնիկ գտումների եւ ցեղասպանական հանցագործությունների շարքի վերաբերյալ եւ 1918 թվականի իրադարձությունները ճանաչեն որպես ցեղասպանություն», - պահանջում է Ադրբեջանի օմբուդսմենը:

ՄԱՆՐԱՄԱՆԵՐ

ԷԿՈՊԱՐԵԿՆԵՐԻ ՊԵՏԸ՝ 18.3 ԿԳ ԹՄՐԱՆՅՈՒԹԻ ՄԱՍԻՆ

2025 թվականի հոկտեմբերի 24-ին Բննչական կոմիտեի հաղորդել էր, որ հասկաղես կարեւոր գործերի բնութային գլխավոր վարչության մարդկանց քրաֆիինգի, անչափահասների սեռական անձեռնմխելիության դեմ ուղղված եւ քննադիմացի ապօրինի շրջանառության հանցագործությունների բնութային վարչությունում բնակող քննչական վարչության նախաբնութային ընթացքում հիմնավորվել է հաստատվել է, որ մի խումբ անձինք իրացնելու նպատակով քննադիմաց ապօրինի ձեռք բերելու նախնական համաձայնությամբ, 2025 թվականի սեպտեմբերի 8-ին ապօրինի ձեռք են բերել առանձնապես խոշոր չափերով 18.3 կգ «մարիխուանա» սեսալի քննադիմաց:



18.3 կգ թմրանյութ

ՏՊՈՒՎՈՐՈՂ

Այսուհետև, ՀՀ շրջակա միջավայրի նախարարության Էկոլոգիայի ծառայության Էկոլոգներ Ա.Ս.-ն եւ Բ.Ա.-ն առանձնապես խոշոր չափերով թմրամիջոց վերցնելու նպատակով մեկնել են Սյունիքի մարզ: Թմրամիջոցները վերցնելուց հետո, Էկոլոգները այն տեղադրել են Ա.Ս.-ի մոտ վարձար հաշվառված ավտոմեքենայում եւ, նպատակ ունենալով քողարկել թմրամիջոցը Երեւան քաղաք տեղափոխելու գործընթացը, պատրաստ են ստեղծել, իբր ավտոմեքենան խափանված է: Ա.Ս.-ն՝ Բ.Ա.-ի ցուցումով, իր կողմից օգտագործվող հեռախոսահամարով 2025 թվականի սեպտեմբերի 8-ին կապ է հաստատել Սյունիքի մարզի Կապան քաղաքի բնակչի հետ՝ պայմանավորվածություն ձեռք բերելով վարձատրության դիմաց

ավտոմեքենան Երեւան քաղաք տեղափոխելու վերաբերյալ: Ավտոմեքենայի՝ Երեւան քաղաք հասնելուց հետո, խմբի անդամ Ա.Ս.-ն մոտեցել է վարորդին, վերցրել թմրամիջոցով բեռնված ավտոմեքենայի բանալին, իջեցրել է կայանել, որից հետո ձեռք բերվել է ՀՀ ՆԳՆ պարեկային ծառայության աշխատակիցների կողմից: Կատարված խուզարկությանը հայտնաբերվել է առգրավվել է ավտոմեքենայում թաքցված առանձնապես խոշոր չափերով՝ 18.3 կգ «մարիխուանա» տեսակի թմրամիջոցը: Նախաքննության ընթացքում Ա.Ս.-ի, Բ.Ա.-ի եւ Ա.Ս.-ի նկատմամբ հարուցվել է հանրային քրեական հետապնդում՝ Քրեական օրենսգրքի 393-րդ հոդվածի 3-րդ մասի 2-րդ կետով (առանձնապես խոշոր

չափերով թմրամիջոցների, հոգեմետ (հոգեներգործուն) նյութերի, դրանց պատրաստուկների կամ դրանց համարժեք նյութերի (անալոգի) կամ դրանց ածանցյալների պատրաստման շրջանառությունն իրացնելու նպատակով կամ դրանք ապօրինի իրացնելը): Վերջիններիս նկատմամբ, որպես խափանման միջոց, կիրառվել էր կալանքը: Էկոլոգների ծառայության պետ Վլադիմիր Կիրակոսյանին հարց ուղղեցինք, թե նա տիրապետում է՞ ինչ է կատարվում իր ղեկավարած կառույցում, արդյոք կատարված իր բացթողման եւ համակարգը չտիրապետելու հետեանք է, որ Էկոլոգները ներգրավված են թմրանյութ իրացնելու գործընթացում: Զեյնա ՍԱՆՈՒԿՅԱՆ

ԲԱՅԱՐԱՅՏՈՒՄ

ԿԱՍԵՑՎԵԼ Է

Սննդամթերքի անվտանգության տեսչական մարմնի Կոտայքի մարզային կենտրոնի տեսչները վերահսկողական միջոցառում են իրականացրել Բյուրեղավանի «Արե մանկապարտեզ նախադպրոցական ուսումնական հաստատություն» ՀՈԱԿ-ի խոհանոցում եւ պարզել, որ այնտեղ խախտվել են օրենսդրությամբ սահմանված սանիտարահիգիենիկ որոշ նորմեր: Ի մասնավորի՝
- հատակները չեն ունեցել հարթ մակերես, նորոգ չեն եղել, պատրաստված չեն եղել անջրանցիկ, չեն ձեռք, լվացվող նյութերից,
- խոհանոցն ապահովված չի եղել անձնակազմի համար հանդերձարանով:
Տեսչական մարմնի ղեկավարի որոշմամբ՝ մանկապարտեզի խոհանոցի արտադրական գործունեությունը կասեցվել է: Հայտնաբերված խախտումները վերացնելու համար վերահսկող կառույցը սահմանել է վերջնաժամկետ:

ՀԱՅՏՆԱԲԵՐԵԼ ԵՆ

Համայնքային ոստիկանության Արմավիրի բաժնի ծառայողների ձեռնարկած օպերատիվ-հետախուզական միջոցառումների արդյունքում մարտի 26-ին Նալբանդյան գյուղում հայտնաբերվել, ձերբակալվել եւ բաժին է տեղափոխվել 34-ամյա մի երիտասարդ, որը հետախուզվում էր երթուղիների անվտանգության եւ տրանսպորտային միջոցների շահագործման կանոնները խախտելու մեղադրանքով, խափանման միջոցը՝ կալանք: Նա տեղափոխվել է քրեակատարողական

հիմնարկ: Տավուշի մարզի գումարտակի պարեկները մարտի 26-ին ծառայություն իրականացնելիս Դիլիջան քաղաքի Թբիլիսյան խճուղում ստուգման նպատակով կանգնեցրել են «Մերսեդես» մակնիշի մեքենան: Պարզվել է, որ Երեւան քաղաքի բնակիչ 54-ամյա վարորդը ՌԴ իրավապահների կողմից հետախուզվում է գողության մեղադրանքով, խափանման միջոցը՝ կալանք: 54-ամյա տղամարդը ձերբակալվել է տեղափոխվել է Համայնքային ոստիկանության Դիլիջանի բաժին: Հայտնաբերման մասին հայտնվել է հետախուզումը նախաձեռնողին:

ԱՎՏՈՎԹԱՐ ԵՐԱՄԻՒ ԶԱՆԱՊԱՐՀԻՆ

Մարտի 30-ին՝ ժամը 09:10-ի սահմաններում «Կամազ» մակնիշի բեռնատարը Երեւան-Երասխ-Մեղրի ավտոճանապարհի՝ ժողովրդին հայտնի «Երասխի կարգետուն»՝ արագաչափի հարեանությամբ, բախվել է «Nissan Tilda», «Mercedes», «Opel», «Toyota RAV4» մակնիշի ավտոմեքենաներին եւ ավտոքարշակին: Ինչպես դեպքի վայրից հայտնում է ֆոտոլրագրող Գագիկ Շամշյանը, բախման հետեանքով «Կամազ»-ը կողաշրջվել է եւ հայտնվել ճանապարհի մեջտեղում: Վթարի հետեանքով 2 հոգի տեղափոխվել են «Արարատ» բժշկական կենտրոն: Մինչ դեպքի վայր կժամաներ քննչական խումբը, հիվանդանոցից ահազանգ է ստացվում ոստիկանության Արարատի բաժնի, որ վիրավորներից մեկը, գիտակցության չգալով,

մահացել է: Ֆոտոլրագրողը հայտնում է, որ բացի «Կամազ»-ից, բոլոր ավտոմեքենաները եղել են կայանված, որոնցից մի մասը վերածվել է մետաղե ջարդոնի: ArmLur.am-ին հայտնի դարձավ, որ մահացածն ու վիրավորը հայր ու որդի են, մահացածը որդին է՝ 20 տարեկան: Տեղեկացանք նաեւ, որ վթարված մեքենաների մեջ կա նաեւ ԱՄՇ մեքենա: Ինչպես դեպքի վայրից հայտնում է ֆոտոլրագրող Գագիկ Շամշյանը, բախման հետեանքով «Կամազ»-ը կողաշրջվել է եւ հայտնվել ճանապարհի մեջտեղում: Դեպքի փաստով Վեդիի քննչական բաժնում նախաձեռնվել է քրեական վարույթ, որտեղ էլ պարզում են ավտոմեքենաների սեփականատերերի, վարորդների վիրավորի եւ մահացածի ինքնությունը:

ԱՐԱՋԱՆԳ

Փաստաբան Ռոման Երիցյանը գրում է. «Տաքսու արցախցի վարորդներից մեկը քիչ առաջ ահազանգել է տեղեկացնելով, որ ծառայության մատուցման ընթացքում հաճախորդներից մեկը վիրավորական եւ անպարկեշտ արտահայտություններ է հնչեցրել Արցախի նախագահի եւ Արմինե Մոսիսյանի հասցեին: Ի պատասխան վարորդը նշել է, որ նման խոսքերի հասցեատերը պետք է լինի Նիկոլ Փաշինյանը, այլ ոչ Սամվել Շահրամանյանը կամ Արմինե Մոսիսյանը: Զրուցակիցն իր հերթին հայտարարել է, որ հանդիսանում է ազգային անվտանգության ծառայող եւ հավելել, որ Փաշինյանի հասցեին հնչեցված խոսքերի համար վերջինս շուտով կփոշմանի: Սպասենք ոստիկանության կամ քննչականի կանչին»:

ՄԻՊ

ՏԵՄԱԿՑԵԼ ԵՆ ՉԵՐԲԱԿԱՎԱԾՆԵՐԻՆ



Մարդու իրավունքների պաշտպան Անահիտ Մանասյանի հանձնարարության մարտի 30-ին պաշտպանի ներկայացուցիչներն այց են իրականացրել ՆԳՆ ոստիկանության ձերբակալվածներին պահելու վայր՝ մարտի 29-ին Երեւանի Սուրբ Աննա եկեղեցում տեղի ունեցած միջադեպից հետո ձերբակալված անձանց տեսակցելու նպատակով: Պաշտպանի ներկայացուցիչներն առանձնազրույց են ունեցել ձերբակալված անձանց հետ, ուսումնասիրել նրանց վերաբերյալ կազմված փաստաթղթերը: Արդյունքները կամփոփվեն եւ պաշտպանի իրավասության շրջանակում կձեռնարկվեն անհրաժեշտ միջոցներ՝ անձանց իրավունքները երաշխավորելու նպատակով:

Մարդու իրավունքների պաշտպանն արձանագրում է, որ յուրաքանչյուր ոք ունի իր կարծիքն ազատ արտահայտելու իրավունք, ներառյալ՝ իշխանությունների գործունեության վերաբերյալ քննադատական դիրքորոշում ներկայացնելու իրավունքը: Միեւնույն ժամանակ, որեւէ իրավունքի իրացում չպետք է ուղեկցվի այլ անձանց, այդ թվում՝ պաշտոնատար անձանց նկատմամբ բռնությամբ, բռնության կոչերով, ատելության խոսքի դրսեւորումներով եւ այլն:

Պաշտպանը կարեւորում է դեպքի բոլոր հանգամանքների անկախ, բազմակողմանի եւ օբյեկտիվ ուսումնասիրությունը: Միեւնույն ժամանակ, պաշտպանը պահանջում է իրավասու մարմիններից ցանկացած գործողություն իրականացնելիս պահպանել իրավաչափության սկզբունքը, զերծ մնալ անհամաչափ ուժի կիրառումից, երաշխավորել քաղաքացիների բոլոր իրավունքների պատշաճ իրացումն ու պաշտպանությունը: Այս առումով պաշտպանը շարունակելու է հետեւել իրավիճակին՝ քաղաքացիների իրավունքները երաշխավորելու նպատակով:

Մարդու իրավունքների պաշտպանը շարունակում է արձանագրել նաեւ հանրային խոսքի ատելության եւ անհանդուրժողականության դրսեւորումների տարածման մտահոգիչ միտումը: Այս համատեքստում պաշտպանը կոչ է անում զերծ մնալ իրավիճակի սրող, ատելություն կամ բռնություն հրահրող արտահայտություններից՝ հաշվի առնելով դրանց վտանգավոր ազդեցությունը հասարակական համերաշխության վրա:

Հայաստանում ատելության խոսքն ունի մտահոգիչ ծավալներ եւ օգտագործվում է գրեթե ամենօրյա ռեժիմով: Սա չափազանց վտանգավոր միտում է, որը կարող է հանգեցնել խորքային բացասական հետեւանքների: Ուստի՝ անհրաժեշտ է համատեղ եւ հետեւողական ջանքերով պայքարել նշված երեւույթի դեմ:

● Մարտի 26-ից 27-ը ՀՀ-ում բացահայտվել է 129 հանցագործություն, որոնցից 9-ը՝ նախկինում կատարված:

FINTECH360

ԿՄԱՄՆԱԿՑԵՆ ԱՎԵԼԻ ԲԱՆ 500 ՓՈՐՉԱԳԵՏՆԵՐ



Ապրիլի 27-ից 29-ը Երևանում կայանալիք FINTECH360 միջազգային համաժողովին կմասնակցեն ավելի քան 500 մասնագետներ 30 երկրներից: Միջոցառմանը կմասնակցեն բանկերի, դրամական փոխանցումների ընկերությունների, վճարային համակարգերի, տեղեկատվական տեխնոլոգիաների ընկերությունների և ստարտափների ղեկավարներ: Համաժողովը կկենտրոնանա ֆինանսական տեխնոլոգիաների հիմնական միտումների և զարգացումների, ինչպես նաև ոլորտի ապագան ձեռավորող նոր հնարավորությունների և նորարարական մոտեցումների ուսումնասիրության վրա:

FINTECH360 ծրագիրը ներառում է հետևյալ պանելային քննարկումները՝

- Ֆինանսական ծառայությունների թվային վերափոխում
- Արհեստական բանականության կիրառումը բանկային ոլորտում
- Կենսաչափական և թվային նույնականացում
- Էլեկտրոնային առևտուր
- Տվյալների պաշտպանություն
- Իրական ակտիվների տոկենիզացիա
- Կրիպտոարժույթներ և բլոկչեյն տեխնոլոգիա
- Համաժողովի հիմնական խոսակետերն են՝
- Հայաստանում ՄԱԿ-ի մշտական համակարգի Ֆրանսուազ ժակրը
- MCC ICF Սաբրինա Մոմինը
- Յու.Նիբանկի Վարչության նախագահ Մերոպ Հակոբյանը
- Marchmont Capital Partners-ի հիմնադիր Քենդրիկ Դ. Ուայթը
- ՀՀ Կենտրոնական բանկի Ֆինանսական համակարգի զարգացման կենտրոնի ղեկավար Աշոտ Պետրոսյանը
- KWIKPAY վճարային համակարգի նախագահ Շալվա Մելաձե
- Webster University Geneva Campus-ի պրոֆեսոր Ռուբեն Ինչիկյանը
- Over Ventures-ի խորհրդատու Լեոնարդ Բուրգերը
- Ֆինանսական պրոդուկտների գծով Վերաքննիչ դատարանի փորձագետ Ֆիլիպ Ռենե Մարկ Ղեյմոնը
- Միջազգային թվային տնտեսությունների ասոցիացիայի հիմնադիր Մարիա Սելտենը

Համաժողովը տեղի կունենա Seven Visions Resort &-ում Places, The Dvin հյուրանոցում՝ Յու.Նիբանկի, UBPay հայաստանյան դրամական փոխանցումների համակարգի, KWIKPAY վճարային համակարգի և Ns.Cards ընկերության աջակցությամբ:

Ծրագրի շրջանակներում համաժողովի մասնակիցներին կներկայացվի նաև Հայաստանի մշակութային ժառանգությունը: Նրանք կայցելեն նաև Գառնի և Գեղարդ, ինչպես նաև կհյուրընկալվեն The Van Ardi Winery-ում:

Մինչև մարտի 31-ը մասնակցության բոլոր փաթեթների համար գործում է 15% զեղջ: (Գ)

ԱԿԲԱ

AI ԳՈՐԾԱՐԱՆԻ ՄՏԵՂԾՄԱՆՆ ՈՒՂՂԵԼ Է 45 ՄԻԼԻՈՆ ԱՄՆ ԳՈՒԼԱՐ

Հայաստանում արհեստական բանականության ենթակառուցվածքների զարգացումը խթանելու նպատակով Ակբա բանկն ու Ամունդի-Ակբա Ասեթ Մենեջմենթն ընդհանուր 45 միլիոն ԱՄՆ դոլար են ուղղել Firebird ընկերությանը՝ արհեստական բանականության գործարանի և սվյալների կենտրոնի ստեղծման համար:

«Այս նախագծի իրականացումը հսկայական նշանակություն է ազդեցություն է ունենալու Հայաստանի համար: Այն մեր երկրի առջև նոր հորիզոններ է բացելու. տեխնոլոգիաների առումով Հայաստանը ոչ միայն տարածաշրջանային, այլև համաշխարհային քարտեզի վրա սկսելու է կարելու դեր խաղալ: Մենք այս նախագծի իրականացմանը մասնակցեցինք Ամունդի-Ակբայի հետ համատեղ: Ամունդի-Ակբան ֆինանսական աջակցությունից բացի իրականացրել է նաև այս ամբողջ նախագծի վերլուծությունը»,- նշել է Ակբա բանկի գլխավոր գործադիր տնօրեն Հակոբ Անդրեասյանը:

«ԱՄՆ-Հայաստան հարաբերությունները՝ հատկապես տեխնոլոգիաների ոլորտում, շատ ամուր են և շարունակաբար զարգանում են: Մենք մուտք ենք գործում նոր փուլ, որտեղ կտեսնենք նոր ներդրումներ և գործընկերություններ: Սա լավ օրինակ է այն բանի, թե ինչ կարող է ստացվել, երբ ամերիկյան տեխնոլոգիան համադրվում է Հայաստանի բարձրակարգ տեխնոլոգիական ներուժի, գիտելիքի և մարդկային ռեսուրսների հետ: Այս համադրությունը ոչ միայն կօգնի Հայաստանին դառնալ տեխնոլոգիական առաջատար և խթանել երկրի տնտեսությունը, այլև կկապատի աշխատատեղերի ստեղծման ու տնտեսական աճին»,- նշել է Հայաստանում ԱՄՆ գործերի ժամանակավոր հավատարմատար Ղեյվիլ Ալենը:

«Այս նախագծի շրջանակում ստացված միջազգային թույլտվությունը ներառում է



առաջատար կիսահաղորդչային տեխնոլոգիաներ, որոնք, ինչպես ընդգծել է ԱՄՆ փոխնախագահ Վենսը, հասանելի չեն աշխարհի երկրների մեծամասնությանը: Փաստը, որ Հայաստանը ստացել է նման բացառիկ թույլտվություն, վկայում է Միացյալ Նահանգների հետ մեր գործընկերության ամրության մասին, ինչպես նաև արտացոլում է այն համատեղ ռազմավարական տեսլականը, որի հիմքում Հայաստանի՝ որպես առաջադեմ տեխնոլոգիաների և գլոբալ նորարարության առանցքային կենտրոնի ձեռավորումն է»,- նշել է ՀՀ ԿԲ նախագահ Մարտին Գալստյանը:

«Սա նախ է առաջ ուղիղ ներդրում է Հայաստանի տեխնոլոգիաների, գիտության և տնտեսության զարգացման մեջ: Ուրախ եմ, որ այսօրինակ ծրագրերն արդեն Հայաստանում միայն երազանքների մակարդակի չեն: Սա իրականություն է, ո-

րի շուրջ կա շատ գեղեցիկ և շատ որակյալ կոնսուլտացիա»,- նշել է ՀՀ բարձր տեխնոլոգիական արդյունաբերության նախարար Մխիթար Հայրապետյանը:

«Ուրախ եմ, որ մեր ֆինանսական կառույցները նույնպես միացել են այս նախագծին: Ծավալուն աշխատանք կատարելուց հետո ունենք ֆինանսական կառույցների վստահությունը և միասին կարողացանք 300 միլիոն դոլարի գործարք կնքել, որը, կարծում եմ, թե իր մեծությամբ, թե կարելիությամբ Հայաստանի պատմության մեծ գործարքներից մեկն է, եթե ոչ ամենամեծը»,- նշել է Firebird AI ընկերության գլխավոր տնօրեն Ալեքսանդր Եսայանը:

Նախագծի իրականացման համար Ակբա բանկն ուղղել է 25 մլն ԱՄՆ դոլար, իսկ Ամունդի-Ակբա Ասեթ Մենեջմենթը՝ 20 մլն ԱՄՆ դոլար:

Բանկը վերահսկվում է ՀՀ ԿԲ կողմից

5% ԿԱՆԽԱՎՃԱՐ՝ ԷԼԵԿՏՐՈԱՄՈՒԲԻԼ ՁԵՌՔ ԲԵՐԵԼՈՒ ՀԱՍԱՐ

Հայաստանի լիզինգային շուկայի բացարձակ առաջատար Ակբա Լիզինգը TOON EXPO 2026-ի շրջանակում իր գործընկեր ROEL Automotive Group-ի հետ համատեղ ներկայացնում է էլեկտրամոբիլներ ձեռք բերելու հասուկ առաջարկ:

Մինչև մարտի 29-ը ներառյալ՝ TOON EXPO 2026-ի շրջանակում, Ակբա Լիզինգի ֆինանսավորմամբ հնարավոր կլինի ձեռք բերել Li AUTO, Tank և Poer բրենդների էլեկտրամոբիլներ՝ սկսած 5% կանխավճարից, ՀՀ դրամի դեպքում մինչև 14.3% տարեկան փաստացի տոկոսադրույթով՝ ներառյալ նաև Կասկո ապահովագրությունը:

«Վերջին տարիներին էլեկտրամոբիլների նկատմամբ հետաքրքրությունն աճում է, և այս առումով Ակբա Լիզինգը զարգացնում է իր ֆինանսավորման պայմանները, որպեսզի թե ֆիզիկական անձինք, թե բիզնեսները կարողանան օգտվել էլեկտրոմոբիլային մաքուր փոխադրամիջոցներից: ROEL Automotive Group-ի հետ համագործակցության արդյունքում մեր հաճախորդները հնարավորություն ունեն ձեռք բերելու մեքենաներ՝ կանխավճարը սկսած 5%-ից»,- նշել է Ակբա Լիզինգի մատակարարների հետ համագործակցության բաժնի ղեկավար Վահագն Շմավոնյանը:



Միայն Toon Expo 2026-ի շրջանակում հատուկ առաջարկով է ներկայանում նաև Ակբա Լիզինգի գործընկեր Sino Armenia-ն: Ընկերությունից HOWO և SDLG բրենդների շինարարական տեխնիկա և սարքավորումները հնարավոր է ձեռք բերել Ակբա Լիզինգի աջակցությամբ՝ ֆինանսավորման լավագույն պայմաններով:

TOON EXPO 2026-ը բաց է մինչև մարտի 29-ը ներառյալ: Ակբա Լիզինգի 100% բաժնետերը Ակբա բանկն է: Ակբա Լիզինգը վերահսկվում է ՀՀ ԿԲ կողմից

Միայն Toon Expo 2026-ի շրջանակում հատուկ առաջարկով է ներկայանում նաև Ակբա Լիզինգի գործընկեր Sino Armenia-ն: Ընկերությունից HOWO և SDLG բրենդների շինարարական տեխնիկա և սարքավորումները հնարավոր է ձեռք բերել Ակբա Լիզինգի աջակցությամբ՝ ֆինանսավորման լավագույն պայմաններով:

TOON EXPO 2026-ը բաց է մինչև մարտի 29-ը ներառյալ: Ակբա Լիզինգի 100% բաժնետերը Ակբա բանկն է:

Ակբա Լիզինգը վերահսկվում է ՀՀ ԿԲ կողմից

«ժողովուրդ» օրաթերթում և ArmLur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ԼԱՎԱԳՈՒՅՆՆԵՐԸ

ՀԱՅՏՆԻ ԵՆ «ԽԱՉԵՐ»-Ի ՀԱՂԹՈՂՆԵՐԸ

«Խաչեր» հայկական երաժշտական երկրորդ մրցանակաբաժնային շաբաթը, որն անցկացվեց ապրիլի 29-ին Կարեն Գեմիրճյանի անվան մարզահամերգային համալիրում, մեկ հարկի սակ էր համախմբել երաժշտական սարքեր ժանրերում ստեղծագործող արտիստների, ոլորտի ներկայացուցիչների:

Armenpress-ի թղթակցի հաղորդմամբ՝ միջոցառմանը Հայկական ազգային երաժշտական ակադեմիան մրցանակներ հանձնեց 18 անվանակարգում ներկայացված արտիստների և նախագծերի:

Մրցանակաբաժնային շաբաթը ՀՀ ԿԳՄՍ նախարարի տեղակալ Դանիել Դանիելյանը «Խաչեր»-ի հատուկ մրցանակը հանձնեց Հայաստանի ազգային ակադեմիական երգչախմբի գեղարվեստական ղեկավար և գլխավոր դիրիժոր, ՀՀ ազգային հերոս, ՀԽՍՀ ժողովրդական արտիստ Հովհաննես Չեքիջյանին:

Դանիելյանն ընդգծեց, որ մեր երկրում շատ են երախտավորները, որոնք կերտել են Հայաստանի մշակույթը ու այժմ մեր կողքին են, որոնց անմատչելի շնորհակալ են, իսկ Հովհաննես Չեքիջյանը դարձավ մարդ է: «Խոսքերով հնարավոր չէ նկարագրել այն ամենը, ինչ նա արել է իր ամբողջ կյանքում: Նրա կյանքը նվիրված է եղել հնչյունին ու երգին: Նա ստեղծել է մշակույթ, ձեռնարկել է մտածողություն և սերունդներին տվել է ստեղծագործելու մի նոր չափանիշ: Չեքիջյանի ղեկավարած երգչախումբը վաղուց դարձել է արժեքային մի ամբողջ համակարգ: Հավանաբար նրա փոքրիկ գաղտնիքն է, որ մարդկանց կարողանում է համախմբել մեկ շնչի մեջ, կարողանում է ստեղծել ներդաշնակություն և գերել սրտերը, հուզել, ապրեցնել»,- ասաց փոխնախարարը:

Դանիելյանի խոսքով՝ Չեքիջյանի անունը վաղուց անցել է ժամանակների սահմանները, իսկ ստեղծածը շարունակում է ապրել, հնչել հնչյուն առ հնչյուն:

«Լավագույն դասական երգիչ» անվանակարգում մրցանակը տրվեց Արսեն Սողոմոնյանին:

«Լավագույն դասական երգչուհի» ճանաչվեց Ջուլիանա Գրիգորյանը, որն օրերս Ալ. Սպենդիարյանի անվան օպերայի եւ բալետի ազգային ակադեմիական թատրոնի «Պայացներ» օպերայի առաջնախաղում հանդես եկավ Նեդրայի կերպարում:

«Լավագույն դասական նախագիծ» համարվեց «Սիմֆոնիկ Հայկո. բաց երկնքի տակ» պրոյեկտը:

«Լավագույն երաժշտական նախագիծ և բեմադրություն» համարվեց «Սասունցի Դավիթ» բալետ-օրատորիան:



«Լավագույն փոփ երգչուհի» ճանաչվեց Իվետա Սուկուչյանը:

«Լավագույն փոփ երգիչ» անվանակարգում հաղթեց Արամ ՄՊ3-ն: Երգիչն ասաց, որ մրցանակը պարտավորեցնող է եւ շնորհակալություն հայտնեց բոլորին:

«Լավագույն երգ» ճանաչվեց Սոնա Ռուբենյանի «Ճանապարհեցիք ինձ տուն» ստեղծագործությունը:

«Լավագույն պլոմ» համարվեց Բոլոնետի Love Reversed-ը:

«Լավագույն տեսախոլովակ» անվանակարգում մրցանակը տրվեց Սոնա Ռուբենյանի «Վարդավառը գալիս է» հոլովակին, որի ռեժիսորը Արթուր Մանուկյանն է:

«Տարվա հայտնություն» դարձավ Սիմոնը, որն այս տարի Հայաստանը կներկայացնի «Եվրատեսիլ» երգի մրցույթում: Նա շնորհակալություն հայտնեց այն մարդկանց, որոնք հավատացել են իրեն և իր գույգ տղաներին՝ շեշտելով, որ նրանց աջակցությունն ապահովում է ավելի մեծ բարձունքների հասնել և իր հաղթանակները նվիրել նրանց: Սիմոնն ընդգծեց, որ «Խաչեր»-ը իր առաջին մրցանակն է:

«Լավագույն հեղինակ-կատարող» անվանակարգում հաղթեց Սոնա Ուրույանը:

«Լավագույն հիփ հոփ և R&B արտիստ կամ խումբ» անվանակարգում մրցանակը տրվեց Միշոյին:

«Լավագույն ջազ արտիստ կամ խումբ» անվանակարգում հաղթեց Խաչիկ Մահակյանը:

«Լավագույն ռոք արտիստ կամ խումբ» համարվեց «Նեմրա»-ն: Խումբն այդ

մրցանակին էր արժանացել Նաեի Նախորդ տարի: Խմբի անդամներից Վանը շեշտեց, որ մրցանակն իրականում իրենց երկրպագուներին է՝ նեմրացիներին:

«Լավագույն ազգային/ժողովրդական արտիստ կամ խումբ» համարվեց Կարեն և Սեակ բենդը:

«Լավագույն արտիստ քաղաքային ֆոլկ» անվանակարգում մրցանակը տրվեց Տաթև Ասատրյանին:

«Լավագույն գործիքավորում (ոչ դասական)» անվանակարգում մրցանակը տրվեց Karen SevakProduction-ին՝ Սիրուշոյի «Սիրո» երգի գործիքավորման համար:

«Լավագույն կոմպոզիտոր» անվանակարգում հաղթեց Մարտին Ուլիխանյանը: Հաղթողներին տրվեց «Խաչ» յուրատեսակ մրցանակը, որի հեղինակը քանդակագործ, նկարիչ Արման Նուռն է:

Մրցանակաբաժնային ռեժիսորներն էին Հրաչ Բեշիշյանը, Նաիրե Ստեփանյանը և Արթուր Մանուկյանը: «Խաչեր»-ն անցկացվեց միջազգային մրցանակաբաժնային ծրագրի շրջանակում: Միջոցառումը մեկնարկեց կարմիր գորգի հանդիսավոր արարողությամբ, որին մասնակցեցին երաժշտական ոլորտի առաջատարները:

Մրցանակաբաժնային իրականացրեց Հայկական ազգային երաժշտական ակադեմիան ՀՀ կրթության, գիտության, մշակույթի և սպորտի նախարարության և Երևանի քաղաքապետարանի աջակցությամբ:

ՄԱՐԶԱԿԱՆ

ՄԻՑԵԼՈՒ Է

Արման Ծառուկյանն իր հաջորդ մեկնարկն անցկացնելու է ապրիլի 8-ին Սան Պաուլո քաղաքում:

HYPE FC մրցաշարի շրջանակներում նա գրեփլինգի կանոններով մրցելու է հայկական արմատներով Դիլոն Դենիսի հետ: Նրանք պայքարելու են լիգայի չեմպիոնական գոտու համար, որը Ռիո դե Ժանեյրոյում կայացած մեկնարկում Ծառուկյանը նվաճել է Մոհամեդ Մոկաեթի հետ դիմակայությունում:

Օրեր առաջ Արման Ծառուկյանը Ֆլորիդայում RAF 07 մրցաշարի շրջանակներում կայացած ազատ ոճի ըմբշամարտի ռեանշ մեկնարկում կրկին հաղթել է Ջորջիո Պուլասին: Դենիսը ես ելույթ է ունեցել և զիջել Կոլբի Քոլինգթոնին:

ՊԱՐՏՈՒԹՅՈՒՆ

Հայաստանի ֆուտբոլի ազգային հավաքականը տարվա մեկնարկն ազդարարեց հանրապետական ստադիոնում Բելառուսի հետ ընկերական խաղում կրած պարտությամբ: Մինչև հանդիպման մեկնարկը Հայաստանի հավաքականի գլխավոր մարզիչ Եղիշե Մելիքյանը թիմի ավագ Էդուարդ Սպեդրյանին հանձնեց 2025 թվականի «Լավագույն ֆուտբոլիստի» մրցանակը:

Երկրպագուներն այս անգամ էլ իրենց դժգոհությունն արտահայտեցին «Ամեն ինչից շատ, ամեն ինչից վեր սիրում է կյանքում նա իր աթոռը» և «Հեռացե՛ք, ֆուտբոլ ունենանք» պաստառներով: Մելիքյանի համար հանդիպումը փորձարկումների հիմնալի առիթ էր, ու նա մի քանի նորեկների տեսավ խաղադաշտում: Հավաքականում իր նորամուտը նշեց Զուրիկո Բուբենո: Խաղը սկսվեց հյուրերի բուռն գրոհներով, որն էլ 8-րդ րոպեին տվեց իր արդյունքը: Բելառուսի ավագ Եվգենի Յաբլոնսկին գրավեց Հենրի Ավագյանի դարպասը: Գոլից հետո մրցակիցը մի քանի գրոհ էլ ունեցավ, բայց ոչ այդքան վտանգավոր: Հայաստանի հավաքականը հարձակման գծում բավական սուր չէր ու առաջին խաղակետում չկարողացավ խփել պատասխան գնդակը: Ընդմիջումից հետո հայ ֆուտբոլիստներն ավելի ակտիվ մտան խաղի մեջ ու հաջորդաբար մի քանի գրոհ կազմակերպեցին: Ամենավտանգավորը տուգանայինից հարվածեց Վահան Բիչախչյանը, և Բելառուսին փրկեց դարպասապահ Պավել Պավլյուչենկոն:

Հայաստանի հաջորդ վտանգավոր պահը Ֆին Գերագուսյանի մասնակցությամբ էր, նա փոխարինման մտավ ու կարող էր գոլի հեղինակ դառնալ: Փոխարենը Բելառուսը կրկնապատկեց հաշիվը, 72-րդ րոպեին աջքի ընկավ Գերման Բարկովսկին: Հայերն անմիջապես նետվեցին գրոհի, և Վահան Բիչախչյանի հեռահար հարվածից հետո գնդակը դիպավ դարպասաձողին, տուգանայինից էլ լավ հարված կատարեց Արթուր Մերոյանը, բայց նորից նպատակին հասնել չկարողացավ: Խաղավարտին բելառուսները տուգանայինում խախտեցին կանոններն, ու Վահան Բիչախչյանը դիպուկ իրացրեց 11-մետրանոցը՝ 1:2: Հայաստանի հավաքականը մյուս ընկերական հանդիպումներն անցկացնելու է հունիսին: Հունիսի 6-ին Եղիշե Մելիքյանի թիմը կընդունի Ղազախստանին, իսկ հունիսի 9-ին՝ Մոլդովային:

ՑՈՒՑԱՐԱՆՈՒՄԸ ԲԱՑՎԵԼ Է

ՀՀ կրթության, գիտության, մշակույթի և սպորտի նախարարության աջակցությամբ Իսպանիայի ազգային գրադարանում բացվել է «Հոգեւոր քարտեզի արահետներով. հայկական ձեռագրական արվեստը» խորագրով ցուցահանդեսը, որը կյանքի է կոչվել ԿԳՄՍ նախարար ժաննա Անդրեասյանի՝ նշյալ գրադարան կատարած այցի ընթացքում ձեռք բերված պայմանավորվածության շրջանակում:

Ցուցադրության հանդիսավոր արարողությանը ողջույնի խոսքով հանդես են եկել Իսպանիայի մշակույթի գծով պետա-

կան քարտուղար Ջորջի Մարթի Գրաուն, գրադարանի տնօրեն Օսկար Արոյո Օրտեգան, Մատենադարանի տնօրեն Արա Խզմալյանը, Իսպանիայում ՀՀ արտակարգ և լիազոր դեսպան Սոս Ավետիսյանը:

Բացման արարողությանը ներկա են եղել Իսպանիայի մշակութային գործիչներ, պաշտոնատար անձինք, գործարարներ, հայ համայնքի ներկայացուցիչներ, որոնց համար կազմակերպվել է առանձին շրջայց:

Համատեղ ցուցադրությանը ներկայացվել են Մատենադարանում պահվող

կարենորագույն հայկական ձեռագրերի ընտրանուց շուրջ մեկուկես տասնյակ թանկարանային առարկաներ, որոնց մի մասն առաջին անգամ է ցուցադրվում Հայաստանից դուրս:

Նախաձեռնությունը դիտարկվում է որպես մշակութային դիվանագիտության արդյունավետ գործիք՝ ամրապնդելով ՀՀ դիրքերը համաշխարհային մշակութային ժառանգության պահպանման և հանրահռչակման ոլորտում:

Ցուցադրության համադրողն է Իվեթ Թաջարյանը: Այն կգործի մինչև 2026թ.-ի հունիսի 21-ը:

● Ապրիլի 7-ին՝ ժամը 19:00-ին, Ա. Սպենդիարյանի անվան օպերայի եւ բալետի ազգային ակադեմիական թատրոնում կկայանա «Սասունցի Դավիթ» բալետ-օրատորիան:



ԿԱՐԳ

ՀԱՐՑ. Իմ ֆեյսբուքյան էջը կոտրել են և սկսել են արքեր գրառումներ կատարել իմ մասին: Արշալույս Սիմոնյան, 41 տարեկան

ՊԱՏԱՍԽԱՆ. 33 քրեական օրենսգրքի 251-257-րդ հոդվածներով սահմանված են համակարգչային տեղեկատվության անվտանգության դեմ ուղղված քրեական հանցագործությունների տեսակները, որոնցից է նաև համակարգչային տեղեկատվության համակարգ առանց թույլտվության մուտք գործելը: Մասնավորապես, համակարգչում, համակարգչային համակարգում, ցանցում կամ մեքենայական կրիչների վրա պահվող և օրենքով պահպանվող տեղեկատվության համակարգի որեւէ մաս կամ ամբողջությամբ համակարգ առանց թույլտվության մուտք գործելը (ներթափանցելը), որը կատարվել է պաշտպանիչ համակարգի խախտմամբ և անզուգուրությամբ առաջացրել է տեղեկատվության փոփոխություն, պատճենահանում, ոչնչացում կամ ուղեփակում (մեկուսացում) կամ համակարգչի, համակարգչային համակարգի կամ ցանցի, կամ համակարգչային սարքավորումների շարքից դուրս բերում կամ այլ զգալի վնաս՝ պատժվում է տուգանքով, կամ ազատազրկմամբ՝ առավելագույնը երկու տարի ժամկետով: Եթե Ձեր ֆեյսբուքյան էջը կոտրել են այլ անձինք և առանց ձեր թույլտվության՝ ապօրինի, մուտք են գործել այն, փոխել են գաղտնաբառը, ապա դա արդեն իսկ նշանակում է, որ անհայտ անձինք կատարել են հանցավոր արարքներ և արդյունքում տիրացել են համակարգչային ցանցում պահվող և Ձեր կողմից գաղտնաբառով պաշտպանված տեղեկատվությանը: Կատարվածը կանխելու և հանցագործություն կատարած անձանց բացահայտելու համար պետք է դիմել ոստիկանություն՝ մանրամասն ներկայացնելով կատարվածը, հայտնելով, թե երբ են կոտրել ձեր ֆեյսբուքյան էջը, և ում էք կասկածում, եթե այդպիսիք կան: Հանցագործության մասին հաղորդման կազմման ձեւը կարող էք ներբեռնել մեր կայքում հրապարակված մեկ այլ հրապարակումից, որտեղ կարող էք ծանոթանալ, թե ուր պետք է այն ներկայացվի: Հարկ է իմանալ, որ վերոնշյալ հանցագործության դեպքի առթիվ քրեական գործ հարուցվելուց հետո իրականացված միջոցառումների արդյունքում բացահայտվելու է Ձեր ֆեյսբուքյան էջը կոտրած անձի ինքնությունը և նրան առաջադրվելու է մեղադրանք, և հետագայում, որքան էլ որ ցանկանաք Ձեր՝ որպես տուժողի, բողոքը հետ վերցնել, ապա բողոքը հետ վերցնելու հիմքով քրեական գործը չի կարճվի, քանի որ այդ հանցագործության դեպքում մեղադրանքը հանրային է, այսինքն՝ անկախ Ձեր կողմից բողոք ներկայացնելուց՝ պետությունն է մեղադրանք առաջադրելու այդ անձանց:

33 ոստիկանություն

«ԺՈՂՎՈՒՐԳ». Ոստի, եթե կան կասկածներ, որ Ձեր ֆեյսբուքյան էջի կոտրվելը զուտ չար կատակ է կամ կատարվել է Ձեր մտերիմ անձանց կողմից, ապա պետք է մինչև հանցագործության մասին հաղորդում ներկայացնելը խորը մտածել այդ մասին և նոր ուղղում կայացնել հաղորդում ներկայացնելու մասին:

ՀԱՍԱՐԱԿՈՒԹՅՈՒՆ

ՀԱՐՑ. Ոստիկանության կողմից վատ վերաբերմունքի են արժանացել: Ի՞նչ կարող են անել: Սերինե Հովհաննիսյան, 35 տարեկան

ՊԱՏԱՍԽԱՆ. Եթե ոստիկանության կողմից ենթարկվել եք վատ վերաբերմունքի, ապա Դուք կարող եք Ձեր բոլոր բողոքները ներկայացնել ոստիկանության պետի անունով կամ զանգահարել ոստիկանության ներքին անվտանգության վարչության թեժ գիծ, կամ ներկայացնել Ձեր բողոքը գրավոր դիմումի տեսքով ոստիկանության պետի անունով: Կարող եք նաև Ձեր բողոքները ներկայացնել էլեկտրոնային կարգով: Եթե կարծում եք, որ ոստիկանության ծառայողի կողմից կատարվել է հանցագործություն, ապա այս դեպքերում կարող եք անագանգել 33 հատուկ քննչական ծառայություն հեռախոսահամարով կամ հաղորդում ներկայացնել 33 հատուկ քննչական ծառայություն: Ոստիկանի կողմից կատարվող ապօրինի գործողությունները հետագայում հիմնավորելու և դրանով հանդերձ Ձեր իրավունքները պաշտպանելու համար նպատակահարմար է ճշտել ոստիկանի անունը, ազգանունը, պաշտոնը և կոչումը, այն բաժինը, որտեղ աշխատում է, իսկ հնարավորության դեպքում տեսանկարահանեք կամ լուսանկարահանեք տեղի ունեցող իրադարձությունները, որի իրավունքը Դուք ունեք: Ոստիկանը հանդիսանում է հանրային իշխանություն կրող անձ և իրականացնում է օրենքով իր վրա դրված լիազորություններն ու պարտականությունները, և Դուք՝ որպես քաղաքացի, իրավասու եք տեսանկարահանել այն ամբողջ գործընթացը, որը վերաբերում է Ձեր հանդեպ ոստիկանի գործողություններին: Միեւնույն ժամանակ, Դուք իրավունք ունեք չպատասխանել ոստիկանի որեւէ հարցին՝ պահանջելով Ձեր փաստաթղթերի ներկայությունը, իրավունք ունեք հրաժարվելու առանց փաստաթղթերի ներկայության որեւէ բացատրություն տալուց:

33 ոստիկանություն

«ԺՈՂՎՈՒՐԳ». Որպես արագ արձագանքման միջոց՝ ոստիկանության ծառայողի ապօրինի գործողությունների դեմ արդյունավետ է անմիջապես ահագանգել նաև Մարու իրավունքների պաշտպանի գրասենյակի թեժ գիծ՝ 116 հեռախոսահամարով, հայտնել Ձեր գտնվելու վայրը և մյուս մանրամասն տեղեկությունները, ինչպես նաև Ձեր բոլոր բողոքներն ու առարկությունները ոստիկանի վարքագծի մասին:

ՏԵՂԵԿԱՅՎԱԾ

ԼՈՒՐ ԿԱԴՐ

Լուսանկարը՝ shamshyan.com-ի



Երեսանի Նոր Նորք վարչական շրջանի Զուղայի, Լվովյան և Նանսենի փողոցներում փոսերի մի հատված վերածվել է լճակների:

ԲԱԺՆՈՐԴԱԳՐՈՒԹՅՈՒՆ

Մեր թերթը Բաժանորդագրվելու համար կարող եք դիմել



«Հայփոստ» ՊՓԲԸ հեռ. 51-45-46, 51-45-47

«Բլից-Մեդիա» ՍՊԸ հեռ. 52-53-01

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), և մենք անպայման կանդրադարձանք ձեր բարձրացրած բոլոր խնդիրներին:

ԱՌԱՋԱՐԿ հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային երկամ թաղաքային հեռախոս՝ _____

ԵՂԱՆԱԿԻ ՏԵՍՈՒԹՅՈՒՆ



Table with 3 columns: Region, Weather icon, and Forecast (+/- values).

Table with 3 columns: Region, Weather icon, and Forecast (+/- values).

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ Հասցեն՝ ք. Երեւան, Արշակունյաց 22՝/3, հեռ՝ 010 54-64-23 Պետական գրանցման վկայականի համարը՝ 03U089086 տրված է 24.11.2010 Ստորագրված է տպագրության 30.03.2026 Տպաքանակ՝ 3968

Գլխավոր խմբագիր՝ ԶԵՆՈՐ ՄԱՆՈՒԿՅԱՆ

Տպագրված է «ԳԻՆԴ» տպարան ՍՊԸ հրատարակչությունում համապատասխան հանձնված նյութերը չեն գրախոսվում և չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը: «Շարունակությունը կարող էք կարդալ «Ժողովուրդ» օրաթերթի այսօրվա համարում»: